

Na osnovu člana 21. stav 1. tačka lj) Zakona o lokalnoj samoupravi Unsko-sanskog kantona («Službeni glasnik Unsko-sanskog kantona», broj: 8/11) i člana 28. stav 1. alineja 17. Statuta Općine Bosanska Krupa- prečišćen tekst 1 ("Službeni glasnik Općine Bosanska Krupa", broj:10/17), na prijedlog Klubova ASDA, SDP i DF, Općinsko Vijeće na drugoj vanrednoj sjednici održanoj dana 06.04.2020. godine, donosi:

POSLOVNIK O DOPUNI POSLOVNIKA O RADU OPĆINSKOG VIJEĆA BOSANSKA KRUPA

Član 1.

Ovim Poslovnikom vrši se dopuna Poslovnika o radu Općinskog vijeća Bosanska Krupa ("Službeni glasnik općine Bosanska Krupa" broj: 8/18.) u daljem tekstu: Poslovnik.

Član 2.

U članu 60. stav 4. Poslovnika se dopunjuje i glasi:

Vanredne sjednice Općinskog vijeća mogu se zakazati i održavati putem telefona, elektronski ili na drugi adekvatan način dok traje stanje nesreće u Općini Bosanska Krupa, a odluku o održavanju takve sjednice će donijeti Kolegij Općinskog vijeća.

Glasanje se vrši elektronski ili putem telefona riječima „za“, „protiv“ ili „suzdržan“.

Nakon obavljanog glasanja na način kako je to propisano u ovom stavu, predsjedavajući izvještava sve vijećnike o rezultatima glasanja."

Član 3.

Ovaj Poslovnik stupa na snagu danom objavljivanja u „Službenom glasniku Općine Bosanska Krupa“.

Broj: 01-02-85-1-1/20
Dana: 06.04.2020.godine

**PREDSEDavajuća
OPĆINSKOG VIJEĆA**
Elvira Mehić s.r.

Na osnovu člana 115. Odluke o izvršavanju Budžeta Općine Bosanska Krupa za 2020.godinu („Službeni glasnik Općine Bosanska Krupa", broj: 10/19, 1/20, 2/20), a u vezi Odluke o proglašenju stanja prirodne nesreće uzrokovano pojavom korona virusom (COVID 19) na području općine Bosanska Krupa broj: 06-40-21-12/20 od 17.3.2020. godine, na prijedlog Općinskog načelnika Općinsko vijeće općine Bosanska Krupa na drugoj vanrednoj sjednici održanoj dana 06.04.2020. godine, donosi:

PRAVILNIK o načinu utroška sredstva za poticaj primarnoj poljoprivrednoj proizvodnji na području općine Bosanska Krupa

Član 1.

Ovim Pravilnikom uređuje se način utroška sredstva za poticaj primarnoj poljoprivrednoj proizvodnji na području općine Bosanska Krupa (u daljem tekstu: Pravilnik).

Član 2.

Poticaj poljoprivrednoj proizvodnji na području općine Bosanska Krupa se ogleda kroz subvencioniranje primarne poljoprivredne proizvodnje - repromaterijala za redovnu i dodatnu sjetvu kukuruza, krompira i graha u ukupnom iznosu do 300.000,00 KM.

Član 3.

Pravo na subvencioniranje repromaterijala za redovnu i dodatnu sjetvu kukuruza, krompira i graha imaju sva pravna i fizička lica (u daljem tekstu: poljoprivredni proizvođači) koja su upisana u Registar poljoprivrednih gazdinstava.

Pravo na subvencioniranje repromaterijala za redovnu i dodatnu sjetvu kukuruza, krompira i graha osvaruju i poljoprivredni proizvođači koji nisu upisani u Registar poljoprivrednih gazdinstava uz obavezu da se isti upišu u Registar u skladu sa uputama Službe za obrt, poljoprivredu i poduzetništvo (u daljem tekstu: nadležna Služba).

Član 4.

Sredstva za subvencioniranje primarne poljoprivredne proizvodnje - repromaterijala za redovnu i dodatnu sjetvu kukuruza, krompira i graha u iznosu iz člana 2. ovog Pravilnika utrošiti će se za:

IV

Ovo Rješenje stupa na snagu danom objave u «Službenom glasniku općine Bosanska Krupa».

Broj: 01-02-385-7-1/21

Bosanska Krupa, 06.09.2021. godine

PREDSJEDAVAJUĆI OPĆINSKOG VIJEĆA

Demal Elezović s.r.

Na osnovu člana 21. stav 1. tačka lj) Zakona o lokalnoj samoupravi Unsko-sanskog kantona («Službeni glasnik Unsko-sanskog kantona», broj: 8/11) i člana 28. stav 1. alineja 17. Statuta Općine Bosanska Krupa- prečišćen tekst 1 ("Službeni glasnik Općine Bosanska Krupa", broj:10/17), na prijedlog Kluba vijećnika SDA i Kluba vijećnika Pokret za Bosansku Krupu - POMAK, na svojoj 10. redovnoj sjednici održanoj dana 6.9.2021. godine, donosi:

**POSLOVNIK
O IZMJENAMA I DOPUNAMA POSLOVNIKA O RADU OPĆINSKOG VIJEĆA BOSANSKA KRUPA**

Član 1.

Ovim Poslovnikom vrše se izmjene i dopune Poslovnika o radu Općinskog vijeća Bosanska Krupa ("Službeni glasnik općine Bosanska Krupa" broj: 8/18 i 3/20.) u daljem tekstu :Poslovnik.

Član 2.

U članu 4. briše se stav 2, 3. i 4.

Dodaje se novi stav 2. koji glasi: „Sazivanje prve sjednice vrši najstariji vijećnik iz novog saziva.“

Član 3.

U članu 5. stav 1. mijenja se i glasi:

„Najstariji vijećnik iz novog saziva otvara sjednicu i poziva predsjednika ili predstavnika Općinske izborne komisije, da Vijeću predoči Izvještaj Izborne komisije Bosne i Hercegovine o vijećnicima, koji su dobili mandat nakon provedenih općinskih izbora.“

Član 4.

U članu 9.

- stav 10. mijenja se i glasi:

„Ako je predloženo tri ili više kandidata, a nijedan od predloženih kandidata ne dobije većinu od ukupnog broja vijećnika, glasanje se ponavlja za dva kandidata koji su dobili najveći broj glasova.“

- stav 11. mijenja se i glasi

„Ukoliko u prvom ili ponovljenom postupku glasanja ni jedan od kandidata ne dobije većinu od ukupnog broja vijećnika ili budu imali isti broj glasova, cijeli izborni proces se ponavlja sa novim kandidatima.“

Član 5.

U članu 10. stav 1. mijenja se i glasi:

„Izbor zamjenika predsjedavajućeg Vijeća vrši se poslije izbora predsjedavajućeg Vijeća, a po istom postupku kao i izbor predsjedavajućeg Vijeća.“

Član 6.

U članu 19. Poslovnika iza stava 6. dodaje se stav 7. koji glasi:

„Poredak članova kluba vijećnika u sali za održavanje sjednica Općinskog Vijeća određuje se u skladu sa njihovom brojnošću, a kod jednakobrojnih, redoslijed žrijebanjem utvrđuje predsjedavajući na sjednici Općinskog vijeća.“

Član 7.

U članu 22. Poslovnika stav 1. mijenja se i glasi:

„U vijeću se organiziraju parlamentarne grupe vijećnika koju sačinjavaju najmanje dva vijećnika, iznimno ako je stranka osvojila jedan mandate, te ukoliko je u vijeće izabran predstavnik nacionalne manjine onda parlamentarnu grupu može činiti jedan (1) vijećnik, i koje svoje djelovanje u vijeću ostvaruju putem programskih utvrđenih ciljeva i zadataka za tekuću godinu, a na koje akte općinsko vijeće daje saglasnost“.

Član 8.

U članu 27. stav 1. alineja p), riječi: „općine Ilidža“ mijenjaju se i glase: „općine Bosanska Krupa“.

Član 9.

U članu 40. Poslovnika dodaju se nove alineje koje glase:

- „Komisija za prostorno planiranje, uređenje i ekologiju;
- Komisija za poslove mjesnih zajednica“.

Član 10.

Iza člana 53. Poslovnika dodaju se novi članovi i to:

Član 53 a. koji glasi:

„Komisija za prostorno planiranje, uređenje i ekologiju u djelokrugu rada razmatra pitanja koja se odnose na:

- uređenje prostora i zaštitu čovjekove okoline;
- donošenje prostornih, urbanističkih i provedbenih planova uključujući zoniranje;
- donošenje programa stambene, poslovne i druge izgradnje;
- korištenje, upravljanje i raspolaganje građevinskim zemljištem;
- djelatnosti i objekte komunalne infrastrukture;
- upravljanje prirodnim resursima;
- druga pitanja iz ove oblasti.

i član 53 b. koji glasi:

„Komisija za poslove mjesnih zajednica u djelokrugu rada razmatra pitanja koja se odnose na:

- postupak osnivanja mjesnih zajednica i promjene područja mjesnih zajednica, te izbor
- organa mjesnih zajednica;
- podsticanje međusobne saradnje mjesnih zajednica, povezivanje i udruživanje sredstava mjesnih zajednica za rješavanje pitanja od zajedničkog interesa;
- planove i programe finansiranja potreba mjesnih zajednica;
- praćenje stanja u mjesnim zajednicama i razmatranje pitanja od značaja za razvoj mjesnih zajednica;
- druga pitanja iz ove oblasti“.

Član 11.

U članu 69. Poslovnika stav 4. mijenja se i glasi:

“Vijećnik i svaki učesnik u raspravi na sjednici o istom pitanju može govoriti samo jedanput do pet minuta”.

Član 12.

U članu 70. Poslovnika iza stava 3. dodaje se stav 4. koji glasi:

“Izuzetno, u cilju potpune informisanosti vijećnika o određenoj tematici, duže od pet minuta mogu govoriti izvjestioci o materijalu koji se razmatra (npr. prilikom prezentacije prostornih planova, projekcije budžeta, podnošenja izvještaja javnih ustanova i preduzeća, prezentacije programa i projekata, strategije razvoja, kapitalnih investicija), o čemu brigu vodi predsjedavajući Vijeća”.

Član 13.

Član 76. mijenja se i glasi:

- (1) Vijećniku je po jednoj tački dnevnog reda dozvoljeno najviše dvije replike.
- (2) Vijećnik u raspravi ima pravo na repliku u trajanju do tri minute, a vijećnik i drugi učesnik imaju pravo na ispravku krivog navoda do jedne minute.
- (3) Vijećnici koji se jave za repliku ili ispravak krivog navoda imaju prioritet u dobijanju riječi u odnosu na vijećnike koji se javljaju za diskusiju.
- (4) Pravo na repliku imaju učesnici u raspravi u slučaju da su prozvani imenom, ili ako je prozvana njihova politička stranka.
- (5) Ispravak krivog navoda vijećnik počinje citiranjem nečijih riječi za koje smatra da su netačno izrečene, a potom navodi svoj ispravak istog navoda bez dodatnog pojašnjenja.

Član 14.

Član 77. briše se.

Član 15.

Ovaj Poslovnik stupa na snagu osmog dana od dana objavljivanja u „Službenom glasniku Općine Bosanska Krupa“.

Broj: 01-02-385-9-1/21

Bosanska Krupa, 06.09.2021. godine

PREDSJEDAVAJUĆI OPĆINSKOG VIJEĆA

Demal Elezović s.r.

Na osnovu člana 13. stav 2. alineja 5. i člana 35. stav 3. Zakona o principima lokalne samouprave u Federaciji
Bosne i Hercegovine, člana 22. stav 3. Poslovnika o radu